

最新編輯

中國

近世

名

人

小

史

國民書局印行

中國近世名人小史序

蓋自趙宋以前。史由官撰。秉筆者。非達官大吏。卽鉅卿士夫。而毀譽遂以失真矣。夫史傳之作。無非欲垂其於久遠。使後人得知其人之賢愚忠奸。以爲之識別者也。無如後之學子士夫。類皆競立門戶。撰爲私史。互以一己之私見。顛倒曲直。董蘊不分。傳及有明。遂益加厲。於是奸回之險惡。賢士之德行。遂爲淹沒而不彰矣。可勝歎哉。僕以不才。辱承某君之托。委以纂輯近世名人史事。而乃以孤陋寡聞如余者。焉敢妄勝此任。而爲之纂之哉。雖然。以周公之賢。尙有流言之謗。王莽之僞。而有賢士之名。僕未常不能無慨焉矣。且近世之士。奔走於市朝者。豈止千萬人。千萬之人。未必人人皆一心也。其間清操廉潔者有焉。爲利是視者有焉。碌碌庸庸者有焉。磊磊落落者有焉。其或爲人歌頌者有之矣。爲人唾罵者亦有之矣。可歌可泣之事。正復不少也。若不爲之纂。千載以下。豈復知有賢愚不肖之分也哉。故不揣冒昧。謬而獻顰。乃以近世之名人事跡。一一搜集而選輯之。復乘以春秋之法。賢者褒之。不肖者貶之。手執一卷而披覽焉。無異秦鏡之照妖。奸賢立辨矣。第以篇幅所限。簡括疎漏。或所不免。高明之士。幸垂諒焉。書成。名之曰近世名人小史。爰輟數言。置之篇首。非敢以爲文也。

中國近世名人小史 卷上
民國十五年秋編者謹識

中國近世名人小史 上卷

孫文

袁世凱

黎元洪

徐世昌

馮國璋

段琪瑞

唐繼堯

張作霖

蔡鍔

黃興

蔣介石

廖仲愷

汪兆銘

李基鴻

陳炯明

曹琨

李純

陸榮廷

徐樹錚

倪嗣沖

靳雲鵬

伍廷芳

唐紹儀

陸徵祥

錢能訓

孫洪伊

王士珍

閻錫山

李烈鈞

方聲濤

盧永祥

湯化龍

熊希齡

張懷芝

吳光新

陳光遠

孟恩遠

楊善德

田中玉

丁槐

陳宦

馮玉祥

姜桂題

龍濟光

陸建章

岑春煊

張勳

梁啟超

陳錦濤

孫寶琦

藍天蔚

章宗祥

王寵惠

王揖唐

許世英

汪大燮

田文烈

沉銘昌

屈映光

饒漢祥

龔心湛

段芝貴

張錫鑾

朱家寶

周樹模

朱瑞

熊克武

王克敏

曹汝霖

李厚基

徐紹楨

趙秉鈞

程德全

趙倜

劉冠雄

傅良佐

雷震春

胡景伊

湯壽銘

羅佩金

蕩尊簋

呂公望

劉存厚

鄭汝成

施肇基

張元奇

張一麐

汪瑞閏

韓國鈞

周學熙

梁士詒

朱啟鈐

傅增湘

張壽齡

康有爲

李瑞清

林紹年

陳寶琛

沈曾植

曲同豐

蔡元培

羅述稷

楊度

周自齊

袁乃寬

嚴家熾

齊耀林

張鳴岐

朱慶瀾

呂調元

李開沅

王瑚

葉恭綽

畢桂芳

鈕傳善

孫毓筠

張鎮芳

章炳麟

樊增祥

郭宗熙

中國近世名人小史卷下

張國淦

蔡儒楷

裴景福

趙維熙

劉成勛

孫道仁

薩鎮冰

王占元

潘渠楹

張毅

宋教仁

張鎮武

徐錫麟

史堅如

陸潤庠

翁同和

張蔭垣

張之洞

劉坤一

李宗義

董福祥

戴鴻慈

王文韶

馮子材

劉永福

李文田

翁心存

沈寶楨

楊士驥

祁雋藻

張樹聲

魏光燾

李鴻藻

翟鴻機

張之萬

聶士成

丁振鐸

譚鍾麟

王懿榮

張佩綸

郭嵩燾

葉志超

丁寶楨

沈桂芬

關敬銘

劉嶽超

岑毓英

劉長佑

宋慶

張百熙

潘祖蔭

鹿傳霖

李瀚章

陶模

王先謙 夏同善 廖壽衡 徐樹銘 陳昭常 王凱泰 柯逢時 曾紀澤 張曜 鄧華熙 李續宜 吳棠 衛汝貴 龔照瑗 劉心源 袁甲三

陳寶箴 王之春 孫毓汶 徐用儀 吳長靖 譚鈞培 沈秉成 王老祺 蔣志章 趙舒翹 文廷式 劉松山 陳際清 袁葆恒 李鶴年 張人駿

彭玉麟 余蔭霖 薛煥 毛鴻賓 蘇元春 陳士杰 許庚身 馬德昭 曹毓英 薛福成 沈秉堃 鮑超 嚴樹森 吳可讀 馮汝驤 譚宗浚

楊岳斌 毛昶熙 曾璧光 倪文蔚 劉樹棠 蔣益禮 薛允升 吳祿貞 吳大澂 左寶貴 潘鼎新 黃仕琳 馬玉崑 盛宣懷 喬松年 丁日昌

吳重熹
王德榜

王毓藻
李成謀

馬新貽
唐炯

羅榮先
曾國藩

中國近世名人小史

卷上

中國近世名人小史卷上

孫文

孫文。字逸仙。廣東香山縣人。幼習醫於廣東中西醫學校。繼轉學醫於香港。卒業後。懸壺於澳門。光緒二十三年。返粵。力謀革命。與同志組織中興會。謀襲廣州。事敗。逃亡海外。至英。爲駐英公使龔照瑗誘禁之。賴其友設法援救。始免。尋赴日。組織同盟會。謀排清室益力。辛亥武漢起義。同盟會中人迎之歸。舉爲大總統。南北和議既成。乃辭去。後至京師。袁世凱任以全國鐵路督辦。未幾。宋教仁被刺與黃興李烈鈞等。起兵討袁。不克。逃之日本。設立機關部於青山。以陳其美主其事。分遣黨員前往各省密謀倒袁。及帝制失敗。始行返國。六年。與李烈鈞等。建設軍政府於廣州。被舉爲大元帥。後以軍府改組。不告而去。九年。粵軍回粵。衆舉爲軍政府大總統。以陳之叛。去而之滬。未幾。許崇智等攻下廣州。重赴粵。組大元帥府。十三年。冬。徇段祺瑞之請。由粵北上。得疾而卒。時民國十四年三月事也。

袁世凱

世凱。字慰庭。項城人也。李鴻章督直時。委以駐朝商務委員。是時東學之亂已起。中日啟釁。清軍敗績。袁遂返國。後以屢保至道員。入對時。奏陳練兵事。甚得

朝廷嘉許。授以溫處道。留近畿治軍。迨康梁主變新法。密謀之。屬其逐榮祿。衛帝行新政。佯應之。而陰以告祿。於是政變之慘劇遂發生矣。自是西后益信任之。旋授工部侍郎。移山東巡撫。未幾。繼任直隸總督。兼北洋大臣。德宗駕崩。載灃欲誅之。得張之洞爲之緩頰。乃放之歸。迨辛亥革命事起。武昌響應。竟得再起召用。入京日。先請罷載灃攝政職。繼喚段祺瑞等迫清帝退位。清廷懼。委以全權代表。與南方議和。民國成立。乃以總統位讓之。乙卯。以帝制失敗。竟憤而卒。爲人深謀遠慮。奸滑過人。殆治世之能臣。亂世之奸雄也。

黎元洪

元洪。字宋卿。黃陂人。幼肄業天津水師學校。學成。供軍職於北洋艦隊。甲午之役。奉命守旅順。失敗。投海以殉。爲人拯救得免。未幾。張之洞編練自強軍。委以統領軍隊。旋遷爲常備軍統領。改混成協統。繼擢升至參將。宣統初。授協都統。辛亥革命起義。衆議舉爲鄂軍都督。不敢任。避匿家中。衆至勸之。得於床下。初猶堅不從。衆擬以槍。乃允出任。民國告成。以副總統領湖北軍事。坐鎮江漢。頗得民心。段祺瑞嫉之。言於袁氏。遂托故召之入京。暗監視之。袁歿。乃繼任總統職。是時段方執政。聽梁啟超謀。擬與德絕交。而元洪反對之。雙方互相水火。繼罷段職。倪嗣冲楊善德等聞訊。首倡獨立。京中召張勳入京擁衛。復辟之禍遂起。

。旋圍總統府。迫黎退位。黎懼挈眷避匿天津。不敢復出。爲人慈祥忠厚。藹然有君子之風。時人以菩薩稱之。實民國未可多得之賢者也。無奈曲高和寡。竟爲衆所倒。或對余曰。夫忠厚二字。乃今無用之別名。欲投身於宦海中。而作菩薩之低眉。斷無可以久持者。予不見今之執政者。皆作金剛怒目乎。余不禁爲之一歎。

徐世昌

世昌字菊人。天津世族也。年弱冠。而家中落。嘗爲縣令之記室。以自給。戊戌成進士。留館受編修。拳匪之亂。世凱首薦其賢。得遷國子監司業。商務成立。進右丞兼北洋駐京營務處。旋加副都統銜。繼進兵部侍郎。爲練兵大臣。屢遷郵傳部尙書。庚戌授協辦大學士憲政編查館大臣。繼任軍機大臣。旋授大學士。辛亥四月。授內閣總理大臣。及內閣解散。改軍諮大臣。後授太保。是年冬。辭去。民國後。袁氏任爲國務卿。世凱稱帝。乃辭職。既而西南起義。再復原官。未幾復辭去。還居輝縣。後以府院之爭。絢黎元洪請。至京排解。事畢。移居津門。民國七年。馮段交惡。復出任調停。時爲北洋軍人及議員一致推戴。遂得任爲總統焉。

馮國璋

字華甫。河間人。北洋武備學生。曾充淮軍洋槍隊及砲隊教習。未乙淮軍漸次解散。馮遂賦閒。既而袁世凱練兵小站。往投之。得授營官。升統帶統領。練兵處成立。

充提調。宣統初。置軍諮處。授軍諮使。加副都統銜。載濤甚倚重之。辛亥武昌起義。授第一軍軍統。以禦敵有功。封男爵。未幾從袁命班師。既還。命統禁衛軍。繼令督直隸。二次革命發生。率師攻江寧。焚下關。後移督江蘇及袁歿。出任調停南北。主復舊國會。遂被舉爲副總統。仍兼領江蘇督軍。迨復辟事敗。乃北上代任總統。既而與段不相能。段憤而去。張謇更率軍內迫。曹張等力主戰。馮懼。復段職。旋假南下犒軍爲辭。遁歸江寧。欲號召各省討段。不成。段既三起。勢益張。馮以不堪受制。遂辭職焉。

段祺瑞

祺瑞字芝泉。安徽合肥縣人。卒業北洋武備學堂。世凱練兵小站。任以新軍教練。後以統制代王士珍爲江北提督。辛亥授第二軍軍統。民國成立後。任陸軍總長。未幾。以反帝制爲克定所譖。尋罷職。迨雲桂起義。復起用爲參謀總長。未幾袁歿。黃陂繼任。受任總理。聽梁啟超之謀。加入協約。與德宣戰。黃陂不納。交爭甚烈。遂罷職。已而復辟事成。乃起敗張勳於天壇。再爲總理。繼與馮不合。復解任。未幾。張謇率師入關。馮氏大恐。復任以原職。至是凡三起勢益梟張。乃大借外債。以供諸軍餉。倚外自重。而損失國權。復蔑視元首。壓迫民意。論者以李完用比之云。

唐繼堯

繼堯字蓂唐。會澤人。畢業日本士官學校。歸國後。統十九鎮屬管帶官。與蔡謨相交最密。及辛亥反正。編師北伐。受總司令之職。師貴陽。首將貴督楊憲誠驅逐。蓋徇黔省民衆之請也。衆遂推之爲都督。旋代蔡謨督雲南。及籌安會起。亦隨衆勸進。蔡謨說以大義。乃起護國軍。任蔡爲前軍司令。率師攻川。旣而親入敵陣。考察敵勢。爲所覺。發騎追之。彈如雨下。乃隱身樹後。脫去軍服。套於一矮樹上。作如人之僵僕狀。始從山後逸去。時敵軍見山上之人。俯伏不動。大疑。逼視之。一衣服耳。更覓之。則去已遠矣。其機警有如此者。徇不愧爲當今一名將也。

張作霖

作霖字雨亭。遼陽人。出身綠林中。軍官屢捕之。未得。後有相士見之。決其他日必貴。乃自縛請降。時將軍某欲殺之。而以陣擒聞於朝。張錫鑾力阻之。乃允其留營効力。未幾以捕盜有功。擢至巡防軍統領。移駐遼陽。辛亥藍天尉謀革命於瀋陽。趙爾巽召之入瀋。逐天尉。遂盡握瀋陽軍權。入民國。改任師長。乙卯帝制議起。世凱欲倚其力以制南。竟罷段芝貴職。而以作霖代之。乃得督理奉天軍務。後改督軍兼省長。權勢益張。近更欲以其力操縱全國。丁巳。徐樹錚說其却械稱兵。馮國璋大懼。一聽其所爲。奉軍遂駐近畿。先薦其姻家鮑貴卿爲黑龍江督軍。繼要

求政府授以東三省巡閱使。政府畏其勢，不敢拒。駐京奉軍頻出騷擾，亦不敢問。國家銀行鈔幣任便禁行，財政部亦不敢質問焉。但吉督孟恩遠不承其節制，彼亦無如何也。

蔡 鐸

蓼，字松坡，邵陽人。卒業於日本拾武士官等校。既歸國，時李經羲撫桂，調充講武堂總辦。後經羲督滇，奏署十九鎮屈協統。辛亥八月，蓼亦起謀革命。講武堂監督李根源與秘密結合，成立滇軍政府於雲南，乃被舉爲滇軍都督。時反對者唯王振畿，遂遣人暗斃於江南鄉館。至是軍心遂一。繼復捕戮哥老會匪首盜匪盡肅。一時地方治安，冠於各省矣。後以病乞退，舉唐繼堯以自代。袁忌之，召令入京，授以將軍。繼特任爲經界督辦，暗爲監視焉。帝制議起，將軍府集議勸進，首簽名。表示樂從，以息袁疑。繼乃假肺病乞就醫日本。實則秘密由越南入滇，起義。既至，自率前軍入蜀。時劉存厚駐瀘州。蓼勸之反戈，從之。遂屯有叙瀘永寧諸地。而北軍自永川來攻。兵少幾不能支。賴蓼之激勸，竟得以屢却北軍。及袁歿，衆舉爲四川督軍。未幾得疾，遂卒。

黃 興

興，字克強，湖南長沙人也。初留學日本。歸國後，提倡革命甚力。衆推與孫文主

同盟會事。丁未。嘗舉事於雲南河口。以無援故。不能支。退走安南。辛亥。再起攻廣州督署。復敗逃去。繼還援鄂。與軍務部諸人相左。大敗於漢陽。旋東下被舉爲大元帥。既而改任臨時政府參謀總長。民國初。任江寧留守。迨宋教仁被害。乃樹幟討袁。不克。逃去。事定。袁以十萬金購緝之。乃去之日本。旋與孫文宗旨不合。遂去之南洋。未幾遂卒。此亦開創民國之一偉人也。

蔣介石

字介石。中正其名也。浙江寧波人。兄字介玉。其父前在清廷曾任武官。後辭職歸里。不復出。介石少敏慧。年十三。父命與其兄入某小學肄業。學問冠同儕。且精足球。畢業後。旋赴滬求學。得與其舊日從師蔣百里相見。百里者。中山先生同志。亦革命巨子也。百里素重介石之爲人。故即將前圖廣州失敗。及奉孫中山命在滬結合同志。圖謀再舉事以告之。復介紹與中山相識。未幾。中山再舉事於廣州。旋以事洩復敗。是役共死同志七十二人。介石與其兄僅得免。逃回香江。與中山共商大事。卒以清室搜捕甚嚴。隨中山等逃之日本。百里命蔣氏兄弟在日入陸軍學校肄業。越二年。武昌革命事起。介石聞訊。即忽忽回國。至滬。知南北和議已成。忽忽不得志。及癸丑。李烈鈞獨立於湖口。始入李幕。參與軍事。迨南軍旣敗。乃退至南京。與黃克強何海鳴等會議守城策。袁世凱派張勳馮國璋等分軍五路迫之。黃

克強知勢不敵。隻身先逃。介石與海鳴主張守城。與北軍戰於石頭城畔。率以寡不敵衆。遂敗。未幾。袁氏下令嚴捕黨人。遂改姓名。匿居申江。旋爲浙督朱瑞所聞。命探四出偵察。探悉其日與王金發輩往還。乃命偵探車賂王金發。誘而擒之。旋爲金發軍夫所聞。具以告。乃易裝潛逃。始免於難。迨袁氏帝制事起。蔡薆起義於雲南。復與數同志入粵。謀討袁。會粵督龍濟光爲陸榮廷所迫。遂獨立。未幾。袁氏帝制失敗。中山返廣州。任以參謀長。於是乘時在廣州黃埔設立軍校。訓練軍隊。以謀自衛。旋已達萬人。軍士皆由學生軍充任。各學生所受軍事教育甚深。故軍紀嚴肅。出入從未聞有恃強凌人之舉。已無前日各客軍之有丘八大爹。無有怕之名稱矣。及中山死。乘大局紛亂。遂去滇桂等軍。占領廣州。以三民主義號召天下。一時革黨中人。相將歸來。廣州既定。現已親督師北伐。以謀統一云。

廖仲愷

仲愷惠陽籍也。父竹彬。商於美。故愷亦僑生於美之嘉州。返國後。卽赴港研習英文。嗣與何香凝女士結婚於香江。旋留學東瀛。數年。以某君介紹。遂得識孫中山。一時相見恨晚。辛亥之秋。革命軍起義於武昌。乃南下司財政。二次革命失敗。隨中山再赴東京。中華革命黨成立後。仍在黨司理財責。暨民國十一年。陳氏去粵。孫中山復來粵改組民黨。委仲愷主之。時仲愷方爲粵省長。以熱心於黨之改造。遂